



Inatsisartuni ilaasortat Knud Kristiansen kiisalu Gerhardt Petersen
/maani

Asasakka Knud aamma Gerhardt,

Ivigaasanik qallikkanik arsaattarfiliornissaq pillugu Inatsisartut suleriaasianni § 37 naapertorlugu Naalakkersuisunut apeqqummut akissut . apeqqut nr. 237/2013.

29-01-2014
Sags nr. 2014-095502
Dok. nr. 1471541

Aallarniutigalugu § 37 naapertorlugu apeqqutip matuma akinissaanut piffissap sivilisunera utoqqatsissutigissavara, tamatumunngalu pissutaavoq apeqqut siullermik naalakkersuisoqarfimmut allamut ingerlatinneqarsimanagera, uangalu Naalakkersuisoqarfinnit apeqqutit akineqartussanngorlugit aatsaat 3. januar 2014-imi tiguneqarnera.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: in@nanoq.gl
www.naalakkersuisut.gl

Tiguneqarnerata kingorna aalajangerneqarpoq apeqqutip nr. 2-p aamma 3-p akineqarneri llinniartitaanermut, llageeqarnermut, Kultureqarnermut Naligiissitaanermullu Naalakkersuisumit isumagineqassasut.

2012-imit aningaasanut inatsimmi kontomi pingaarnermi 80.00.00 Sanaartornermut atugassat agguanneqanngitsut, imatut allassimasoqarpoq:

"2012-imi ivigaasanik arsaattarfiliornissap pilersaarusiornissaanut 1 mio. kr.-inik aningaasaliisoqarpoq. Aningaasat sanaartugassanut ingerlatsinermullu aningaasartuutissat missiliornerinut atorineqassapput.

Naalakkersuisut kommunit pilersaarummik soqutiginninersut paaserusullugu pilersaarut pillugu kommuninik oqaloqateqarlutik 2012-p ingerlanerani aallartippat, taamaasillunilu ukiuni aggersuni ingerlatsinermut aningaasartuutissanut akisussaanissamut piareersimangersut paaserusullugu.

Tassunga atatillugu oqaatigineqassaaq arsaattarfinnik sanaartorneq tunngaviatigut kommunit suliassarimmassuk. Ivigaasanik arsaattarfiliortoqassappat aningaasalersuinissamut apeqqut kommunit, Namminersorlutik Oqartussat aningaasaliisinnaasullu akornanni oqallinnermik aallartitsisinnaavoq."

Apeqqut: 1) *Ivigaasanik arsaattarfiliornissamut pilersaarutit sumut killippat?*

Akissut: Suliniutit aallarniutaasut 2012-illi naanerani naammassineqareerput. Kalaallit Nunaanni ivigaasanik qallikkanik arsaattarfiliortorluni sanaartornissamut ilitsersuusiortoqarpoq, sanaartornissamut ingerlatsinissamullu missingiuutitalimmik. Ilitsersuut ilaatigut kommuninut tamanut sisamaasunut nassiunneqarpoq.

Ilitsersuut sanaartornermut ingerlatsinermullu aningaasartuutitut missingiuusiornissamut ilitsersuutitaqarnermi saniatigut, aamma Kalaallit Nunaanni sanatitsisumut taassumalu siunnersortaanut ivigaasanik qallikkanik arsaattarfiliornissamut atatillugu isumaliutissat suunerinut ilitsersuutitaqarpoq.

Allakkanut ukununga “Kalaallit Nunaanni ivigaasanik arsaattarfiliornissami pilersaarusiornermi assigiissarinermi malitassiaq” danskisut allataq ilanngunneqarpoq. “Kalaallit Nunaanni ivigaasanik arsaattarfiliornissami pilersaarusiornermi assigiissarinermi malitassiaq” kalaallisut allataq, nutserneqarnera naammassippat malinnaatinneqarluni nassiunneqarumaarpoq.

Inussiarnersumik inuulluaqqusillunga

Siverth K. Heilmann